

MAI LE MAFATIAGA I LE MANUMALO o le Tula'i o Tagata Amerika Asia ma Tagata Pasefika e Tete'e atu i le Inosiaina

TULAGA O IAI NEI LE TETE'E
ATU I LE TA'U-INOSIAINA O
AA/PI I LE 2023
SETEMA 2024

STOP
AAPI
HATE

UPU TOMUA A LE OFISA O FA'AULUULUGA

O le tausaga nei, o le a faia ai e le ofisa o le Taofi Loa le Inosiaina o Tagata Asia Amerika ma Tagata Pasefika (Stop AAPI Hate), se saili'iliga o fa'afesili fou fa'a-le-tausaga ina ia maua ai se malamalama'aga fa'alaua'itele, i le mata'utia o le tulaga ua aga'i i ai uiga ta'u-inosiaina o tagata Amerika Asia ma Tagata Pasefika (AAPI) i le talafatai atoa o lenei atunu'u, ma auiliili ai le fa'atupula'ia pea o nei uiga i tala fa'ale-tausaga. I tausaga ta'itasi, o le a matou tu'u fa'atasia ai lenei saili'iliga mai le atunu'u atoa, fa'atasi ai ma se ripoti fou mai le ofisa o le Taofi Loa le Inosiaina o Tagata Asia Amerika ma Tagata Pasefika (Stop AAPI Hate), ina ia tu'uina atu ai se ripoti mae'ae'a i le tulaga ua o'o i ai aluga o nei sauaga e tete'e atu i tagata Asia Amerika ma tagata Pasefika. I lona tulaga aoao tetele, o le a avea nei fesoasoani e maua ai se ata atoa o le ta'u-inosiaina ma ona a'afiaga i totonu o nu'u o lo o nonofo ai tagata Amerika Asia ma tagata Pasefika (AA/PI).

"Mai le Mafatiaga i le Manumalo: o le Tula'i o Tagata Amerika Asia ma Tagata Pasefika e Tete'e atu i le Inosiaina" o le matou ulua'i ripoti lea fa'a-le-tausaga e tusa ai ma le tulaga ua i ai le tete'e atu i le inosiaina o tagata AA/PI fa'atasi ai ma ala o fa'amaumaga. Ua atagia ai i'inei le maoa'e ma le telē o le afaina o tagata AA/PI i inosiaga fa'alaua'itele i le atunuu atoa i le tausaga 2023. I se fa'atinoga tu'ufa'atasi ia Mati 2024 ma le NORC i le Iunivesitē o Chicago, na fa'aaogaina ai e le Taofi Loa le Inosiaina o Tagata AA/PI se ulua'i ripoti sa fa'aaogaina ai sui o le NORC's Amplify AAPI®, o se fa'alapotopotoga e matuā i sili ona aloa'ia o latou manatu fa'aalia fa'alaua'itele o sui mai tagata Asia Amerika, Tagata-nuu o Hawai'i, ma tagata Pasefika. Sa matou fesiligia tagata matutua o le AA/PI i so latou lagona i ni mea na tutupu i le ta'u-inosiaina i le tausaga 2023 ma ni fa'afitauli o na uiga, ma ni fesoasoani latou te mo'omia, ma ni mea ua latou faia talu ai nei faiga fa'aailoga-lanu lē-taupulea.

I le fa'atasi ai ma fa'amaumaga fa'alaua'itele a nei sui, ua matou tu'uina atu ai ni fa'atusatusaga mai le matou ofisa fai ripoti tutotonu o le tausaga 2023. O mea sa maua i la matou saili'iliga, ua iloa ai e 735 ni tulaga inosia sa feagai ai ma tagata AA/PI sa ripotia atu i le ofisa o le Taofi Loa le Inosia o Tagata Asia Amerika ma Tagata Pasefika (Stop AAPI Hate), lea na tutupu i le tausaga 2023, ae ua na o se vaega itiiti lea o le mea atoa. A fuafua i la matou saili'iliga-fa'afesili ma le NORC, ua iloa ai pe tusa ma le miliona tagata AA/PI sa afaina i ni uiga ta'u-inosiaina i le tausaga ua tuana'i.

Ua aofia ai i lenei ripoti se oto'otoga ogaoga, tala-moni i mea na tutupu na tu'uina mai i le matou Ofisa Tutotonu mai tagata sa afaina i ni ta'u-inosiaina i le tausaga 2023. O nei tala ua maua ai ni fa'amatalaga tāua i tagata-nu'u o le AA/PI ua afaina i le ta'u-inosiaina, ma ua maua ai so matou malamalama'aga e uiga i le to'otugā ma le maoa'e o ni mea na tutupu e sili atu nai lo fa'amatalaga na maua mai i ni fa'afesili.

Mea Tāua na Mauaina (Key Findings)

1 Pe tusa ma le 'afa (49%) o tagata AA/PI na fa'afesiligia, sa afaina i ni faiga ta'u-inosiaina i le tausaga 2023 ona o le lanu, ituaiga tagata, po o le tagata-nu'u.

- ◆ O le tetele o le inosia sa tulaga tutusa ma isi nu'u o lo o nonofo ai tagata AA/PI, e aofia ai vaega e pei o ituaiga-tagata (tama/teine), vaega ese'ese o totonu, ma mea sa fananau ai.
- ◆ O le Taufaa'afefe o le faiga sili lea ona ta'atele i ni uiga ta'u-inosiaina sa tutupu ai, a o nofoaga faitele, o nofoaga lea ua mātuiā ai nei faiga ma ua fa'amautuina ai fa'amaumaga a le ofisa o le Taofia Loa le Inosiaina o Tagata Asia ma Tagata Pasefika (Stop AAPI Hate) na maua mai i le ofisa tutotonu o tala fa'amaumau.
- ◆ Ua sili atu ma le 'afa (51%) o tagata matutua AA/PI sa feagai ma nei uiga fa'aailoga-tagata po o ni faiga leaga e ni tagata faigaluega o se ofisa, e iloa ai o se fa'afitauli sili atu nai lo mea ua fa'aalia mai i ripoti lautele a le Taofi Loa le Inosiaina o Tagata Asia ma Tagata Pasefika (Stop AAPI Hate).
- ◆ Ua silia atu ma le 'afa (53%) o tagata sa tulimata'ia mo ni fesili e fa'atatau i nisi fa'aailoga e ese mai i o latou tagata-nu'u, e pei o tausaga, ituaiga tagata, ma fa'asinomaga.

2

O ē sa feagai ma ni uiga ta'u-inosiaina e afaina ai pitonu'u o tagata AA/PI i ni ala e tele na'uā.

- ◆ 43% o i latou sa feagai ma ni uiga inosiaina sa lagonaina ni uiga lē lelei mo lo latou soifua mālōlōina.
- ◆ O tagata AA/PI na tali mai sa feagai ma ni uiga inosiaina pe fa'a 5.6 le avanoa e ono ripotia ai ni faiga feoloolo pe ogaoga i ni popolega ma fa'anoanoaga, e fa'atusatusa ma nisi e le i feagai ma ni ta'u-inosiaina i le 2023.
- ◆ 56% o i latou sa feagai ma le ta'u-inosiaina, ma sa latou lagonaina le lē taliaina o i latou e tagata lautele o Amerika.

3

E ui i le tumau pea o nei uiga ta'u-inosiaina, o lo o fa'aauau ma tele lava le lē ripotia o mea tutupu, ma telē ai le vā o fesoasoani e mo'omia ma fesoasoani na maua.

- ◆ 44% O i latou e le i fa'asoa maia mea na tutupu mai nisi tagata — po o ni nisi o le aiga po o uō.
- ◆ Ua na o le 10% sa ripotia mai ni uiga tau-inosiaina i se ofisa solitulafono a le mālō, ma na o le 6% sa logoina le ofisa sivilī fa'ale-tulafono (civil law enforcement agency.)
- ◆ I le tau aofa'i ai o tagata AA/PI sa tali mai sa feagai ma le ta'u-inosiaina, e 32% na mauaina le fesoasoani sa latou mo'omia, a o le tasi vae tolu o i latou (37%) e le i mauaina se fesoasoani sa latou mo'omia, e aofia ai ni fesoasoani fa'a-lē-tupe, a'oa'oga mo le saogalemū, ma le lagolago sa sapaia ai e le lautele.

4

O le to'atele o tagata matutua o le AA/PI ua latou talia ni fa'atinoga e fō'ia ai le fa'ailoga lanu.

- ◆ E 85% o tagata AA/PI e atugalu i le tulaga lautele o le fa'ailoga-lanu i totonu o Amerika, ma ua aliali mai ai lo latou loto mā'elegā e galulue fa'atasi e fa'aalualu i luma fa'amasinoga sa'o ma le tonu mo tagata AA/PI (70%).
- ◆ Pe tusa ma le 3 i le 4 tagata matutua AA/PI (74%) sa auai fa'atasi i ni faiga e fa'aititia ai pe tete'e ai i le fa'ailoga-lanu i le tausaga 2023.
- ◆ E toa 9 i le 10 tagata e talitonu i le tāua o le galulue fa'atasi, e aofia ai ma tagata-nu'u lanu ese'ese ina ia fō'ia le fa'ailoga lanu, ma le to'a 8 i le 10 ua latou taliaina - o le fa'ailoga lanu lē tutusa, e afua mai i ni faiga fa'ailoga lanu anamuā, ma a latou fuafuaga ma faiga ua masani ai.
- ◆ O tagata AA/PI e atugalu ma tutū-malosi o i latou ia sa feagai tonu ma latou molimauina ni faiga ta'u-inosiaina.

FAUTUAGA

Au Faitulafono:

- ◆ la puipuia ma fa'ailoa le inosia i tua atu o le ta'u-inosiaina fa'a-soli-tulafono, e aofia ai ma fausaga o ta'u-inosiaina.
- ◆ la inivesi i fa'amatalaga talafeagai ma fa'alapotopotoga mo tagata AA/PI.

Tagata-nu'u Lautele:

- ◆ la Fa'ailoa ma ripotia le ta'u-inosiaina.
- ◆ la feso'ota'i ma fa'alapotopotoga o tagata-nu'u lautele.
- ◆ la feiloa'i ma faipule fai-tulafono ma palota mo sui e tete'e ma fa'asagatau atu i faiga ta'u-inosiaina e aga'i i tagata AA/PI.



TALA'AGA O LE

**STOP
AAPI
HATE**

O le Stop AAPI Hate o se fa'alapotopotoga o lo'o fa'amautū i totonu o le lunaite Setete – o lo'o tū malosi e fō'ia uiga-ita ma le fa'ailoga-lanu aga'i i tagata AA/PI. O lo'o matou taumafai e una'iina le galulue fa'atasi o nu'u ma lanu 'ese'ese uma, mo le lelei ma le amiotonu e ala i le atina'eina o le malosi i o tatou nuu fa'a-tagata lanu, ma galulue fa'atasi ma isi nu'u o tagata lanu, e faia ni faiga lelei fa'a-vaifofō e fōia ai le mafua'aga o le fa'ailoga-lanu. O la matou galuega e aofia ai faiga fa'avae e fā (4): fa'amatalaga & su'esu'ega, fa'atalatalanoaga ma le lagolagoina, ma le tausiga lelei o nu'u.

STOPAAPIHATE.ORG

FULL REPORT:

